

*Israël & de advenis, qui peregrinantur inter vos si comederit sanguinem, obfirmabo faciem meam contra animam illius, & disperdam illum de populo suo, quia anima carnis in sanguine est, & ego dedi illum vobis, ut super altare expietis pro animabus vestris, & sanguis pro anima piaculo sit.* Sic igitur ratio sensusque interdicti Noachici evidenter proditur. Imperata lex ideo, ut a sanguine hominis effundendo abstererentur Noachidæ, magis eruitur ex præsupposita, & introducta legis explicatione, quam ut deprehendi in Sancto textu possit. *Torniellus*, cui adstipulamur, connexionem Annal. M. legis de sanguine hominis observando ita tradit: *Ne quan-* 1657. S. 17. *do posterii ipsius Noæ procedentibus temporibus propter illam generalitatem, omne quod movetur & vivit erit vobis in cibum*, putarent, licere carnes quoque humanas, sanguine duntaxat prius effuso, manducare; statim prohibetur effusio humani sanguinis, opposita duplici pœna, altera ab ipsomet DEO, altera ab hominibus infligenda, &c. Occasio prohibiti ibi homicidii manat ex concessione illa generali cibaria; demandatæ (si quæ est) abstinentiæ ab omni esu sanguinis ratio & fundamentum non dicitur lex humani sanguinis non fundendi. Cum lex pietatis humana carne prohibeat vesci, annon a compari colligendum foret, ad arcendum ab esu hominis Noachidam, ab esu carnis eum cohibendum fuisse? Anne vero per abstinentiam ab esu sanguinis bestiarum addidicerunt homines manus invicem abstinere sanguinarias? Quid habet bestiarum sanguis stimulorum ad interficiendos homines? Num ideo truculentiores Christiani sanguine vescentes, aliis aut barbaris aut christianis non vescantibus? Quamobrem, ut ad summam dicamus, lex controversa aut bestialem tantum esum prohibet, & ita nihil ad quæsitum facit, aut respectum habet cæremoniarum sacrarum, & ita sublatis per Christum cæremoniis Patriarchalibus, quæ ipsum eminens contuebantur, non potest obligare Christianos. Ita concidunt omnia argumenta pro obligatione morali visa facere ex Noachidarum lege. Inde satis constat pariter, cur Moses in Levita-

C

rum